

# Rutin pekerjaan si pengokok etak

SH 15/4/2019 m/s 23

**PEMBEKAL** dan peniaga tidak akan memperolehi bekalan etaknya jika si pencari etak tidak turun ke sungai menjalankan tanggungjawabnya. Ismail Mat Diah atau lebih mesra dipanggil Pok Wei yang menetap di Bukit Temalong, Bachok, antara pencari atau pengokok etak terkenal di negeri ini.

Warga emas berusia 62 tahun itu sudah 20 tahun memiliki pengalaman dengan pencarian dan urus niaga etak.

Ujar Pok Wei, 'waktu kerja' sebagai pencari bermula dari jam 7 pagi sehingga jam 10 pagi setiap hari.

"Sebelum turun ke sungai, kita perlukan alat mengokok, pakaian yang sesuai dan makanan sebagai bekalan," katanya.

Pok Wei memberitahu, kebiasaannya dia menggunakan bakul besi berlubang kecil yang mempunyai permukaan luas dan berlubang tirus ke bawah.

"Kita guna bakul berjaring besi untuk memudahkan pasir bersama air mengalir keluar dan meninggalkan etak sahaja dalam bakul," katanya yang memberitahu bakul tersebut diikat pada



Sungai menjadi punca rezeki Pok Wei menyara keluarga.


kayu atau buluh sepanjang hampir tiga meter.

Selepas itu katanya, etak yang dikaut tadi akan ditapis dalam alat penapis diperbuat daripada jaring dan dicantumkan dengan pelampung diperbuat daripada tayar nipis.

"Bila sudah siap pilih etak dan

buang (asingkan) batu atau sampah, barulah kita bawa balik etak mentah ini ke rumah untuk dibasuh dan juga salai atau jual," katanya.

Lazimnya pembekal ini terdiri daripada individu itu sendiri yang menjadi pengokok (pencari), peraih mahupun penjual.



Ismail menggunakan alat khas yang diciptanya sendiri untuk mengokok etak.

**“ Kita guna bakul berjaring besi untuk memudahkan pasir bersama air mengalir keluar dan meninggalkan etak sahaja dalam bakul.”**

- Ismail



Setiap pagi Ismail akan mencari etak di sungai sekitar Bachok.